

თეორიული დაფუძნების პრობლემა პოეტიკაში

□
თამარ ლომიძე
□

შეოცვე საუკუნის ლიტერატურათმცოდნეობაში ჩამოყალიბდა მრავალი ურთიერთგამომრიცხავი თეორიული კონცეფცია. თითოეულ მათგანს გააჩნია არა მარტო საკუთარი შეთოდოლოგია და დაპოუკიდებლად შემუშავებული ცნებითი აპარატი, არამედ - უუქველი პროტენზიაც მეცნიერული ჭეშმარიტების „საბოლოო ინსტანციის“ წყდომაზე. ცნობილია, რომ ის თეორიები, რომლებიც აღიარებენ მნატურული ნაწარმოებისადმი „სუბიექტური“ მიდგომის უპირატეს მნიშვნელობას, ემყარებიან ინტუსციურ შეთოდებს, ხოლო

„ობიექტური“ ანალიზის მომხრენი მიმართავენ ფორმალურად მტკიცებებსა და დასკვნებს და გამოირიცხავენ ინტუიციური დებულებებისადმი აპელაციის ყოველგვარ შესაძლებლობას.

ამასთან, ობიექტური მეთოდების გამოყენება არ ნიშნავს, რომ შესაბამის თეორია საერთოდ არ ითვალისწინებს ჭეშმარიტების ინტუიციურ წყდობას. მეტ-ნაკლებად ყველა ლიტერატურათმცოდნეობითი თეორია ემყარება ამოსაფალ წარმოდგენებსა და ცნებებს, რომლებიც ლოგიკურად დაუფუძნებელია. მაგრამ ინტუიციურად ჭეშმარიტ პოსტულატებად მიიხსენიება ინტუიციურ, უშუალო სიცხადით აღბეჭდილ ამოსაფალ „აქსიომებზე“ დაყარებული თეორიები ითვლება ე.წ. აქსიომატურ თეორიებად. ისმის კითხვა, რომელი ლიტერატურათმცოდნეობითი კონცეფცია შეიძლება გაყაიხროთ აქსიომატური თეორიის სახით? წარმოადგენს თუ არა „მითის“ ცნება მთოლოგიურ თეორიებში, „გაგების“ ცნება პერმენეცტიკაში, „სამყარო როგორც ტექსტი“ და „ცნობიერება როგორც ტექსტი“ პოსტპოდეინიზმში, ან „ხულოყანი საფეხურის“ ცნება რიტორიკის ფრანგულ-ბელგიურ კონცეფციებში ამგვარ აქსიომებს?

აქ სათანადო კრიტიკოუმი შეიძლება მოგვაწოდოს ლოგიკურმა „თეორიებმა არასისრულის შესახებ“, რომელიც 1931 წელს (იმ პერიოდში, როდესაც მათემატიკოსების წინაშე განსაკუთრებული სიმძაფრით წაშლიქრა ურთიერთგანსხვავებულ კონცეფციებს შორის არჩევანის გაკეთების აუცილებლობა) ჩამოაყალიბა გამონიხილმა გერმანელმა მათემატიკოსმა კურტ გედელმა. გედელის თეორემა უნივერსალურობით გამოიხიყვა: „თუცა გედელმა ზუსტად არ მიუთითა, აქსიომატურ სისტემათა რომელი კლასი იგულისხმებოდა მის მიერ მიღებულ შედეგში, მაგრამ თეორემა არასისრულის შესახებ გამოსადეგია... ყველა გავრცელებული აქსიომატური სისტემის მიმართ“ (6, გვ. 304). ამდენად, ეს თეორემა შეიძლება გამოყიყენოთ ლიტერატურათმცოდნეობის მიმართაც.

გედელის მითითებით, ნებისმიერ აქსიომატურ სისტემაში არსებობს დებულებები, რომლებიც არადამტკიცებადია ამ სისტემის ფარგლებში. მათი დამტკიცებისთვის აუცილებელია უფრო ზოგადი თეორიის მოიხიობა. ე.ი. კონკრეტული კონცეფციის ფარგლებს გარეთ გასვლა და მისი ინტეგრაცია უფრო ზოგად თეორიასთან. რაც შეეხება ლიტერატურათმცოდნეობას, აქ, როგორც ჩანს, საჭიროა ურთიერთგანსხვავებული მეცნიერული დისციპლინების მონაცემთა გამოყენების გზით ახალი, სრული და არაწინააღმდეგობრივი თეორიის შემუშავება.

რა თქმა უნდა, არა გედელის თეორემიდან უშუალოდ გამომდინარე. მაგრამ მასში გამოხატული მომწიფებული საჭიროებების ზეგაყლენით, თანამედროვე მსოფლიოში მართლაც ხორციელდება მეცნიერებათა საყოველთაო ინტეგრაცია, რასაც შედეგად მოაყვება სინთეზური ხასიათის ახალი მეცნიერული დარგების ჩამოყალიბება.

ლიტერატურათმცოდნეობაში სრული და არაწინააღმდეგობრივი კონცეფციების შექმნავეების ცდები შეინიშნება იმ სკოლებში, რომელთა ძირითად ტენდენციას წარმოადგენს, ანალიზის წმინდა ლიტერატურათმცოდნეობით შეთოდებს გარდა, სხვა მეცნიერებათა - ლინგვისტიკის, ფსიქოლოგიის, ბიოლოგიის, მათემატიკის - მიღწევათა გამოყენება. ამგვარია უკვე რუსული ფორმალისმი, შემდგომ - სტრუქტურალიზმი და სემიოტიკა, რეკეფციული ესთეტიკისა და ფენომენოლოგიის თეორიები... ამიტომ შესაძლებელია მათი, როგორც სისრულისა და არაწინააღმდეგობრიობის ტენდენციის მქონე თეორიული კონცეფციების დახასიათება.

* * *

პოეტიკის ზუსტ, სრულ და არაწინააღმდეგობრივ თეორიად გადაქცევისადმი მისწრაფების შედეგად პოეტური მეტყველების თავისებურებანი და, კერძოდ, ტროპები განისაზღვრა, როგორც მეტყველების ე.წ. „ნულოვანი საფეხურიდან“ (რ. ბარტი) „გადახრები“ (ანუ „ანომალიები“, ცვ. ტიპოლოგიის ტერმინოლოგიით). სხვადასხვა დროს ნულოვან საფეხურად მიაჩნეოდა პრაქტიკული ენა (რუსულ ფორმალისმში), პროზის ენა (ა. პოტეხნისთან), ბუნებრივი ენა (ი. ლოტმანის ნაშრომებში). ნულოვანი საფეხურის სხვადასხვაგვარი ინტერპრეტაცია უკვე თაყვისთაყად მოწმობს ამ ცნების აქსიომატურობას, ე.ი. მის ინტუიციურ სიცხადეს და არა - ლოგიკურად დასაბუთებულ ერთმნიშვნელოვნებას. რ. ბარტის მიხედვით, ნულოვან საფეხურზე „წერილობა დაიყვანება ერთგვარ ნეგატიურ მოდუსზე, სადაც ნადგურდება ენის ყოველგვარი სოციალური და მათოლოგიური ნიშანთიქმებები. ისინი ადგილს უთმობენ ნეიტრალურსა და ანერტულ ფორმას... ნულოვანი ხარისხის წერილობა განზრახ უგულვებელიყოფს ყოველგვარ პრეტენზიას ელემენტურობასა და ორნამენტულობაზე“ (2, გვ. 343,344). ი. ლოტმანის ხაზგასმული მტკიცებით, „მხატვრული ლიტერატურა მეტყველებს საგანგებო ენაზე, რომელიც ბუნებრივი ენის ზედნაშენს წარმოადგენს და შეორადი სისტემის სახით გვევლინება“ (8, გვ. 30). ნულოვანი საფეხურის გაგება იმპლიციტურად მონაწილეობს რ. იაკობსონის კონცეფციაშიც, რომლის თანახმად, უნივერსალურ პოეტურ პრინციპად მიიჩნევა მსგავსების პრინციპის გამოვლენა სინტაგმატურ მიმდევრობაში (ოგულისხმება, რომ სინტაგმატური მიმდევრობა პირველადი მოცემულობაა, რომელზეც პროექცირდება მსგავსების ანუ განმეორებადობის პრინციპი). ბელგიელ ლიტერატურათმცოდნეთა ე.წ. მ. ჯგუფის ნაშრომის „ზოგადი რიტორიკის“ თანახმად, „ნულოვანი საფეხური გარკვეული ზღვარია... ამასთან, მეცნიერების ენა... იდეალში ნულოვანი საფეხურის ენა უნდა იყოს... პოეტური შემოქმედება - ესაა ენის ფორმალური გარდაქმნა“ (5, გვ. 69).

გავერკვეთ, რამდენად მართლზომიერია ნულოვანი საფეხურის ცნების გამოყენება პოეტიკის ამოსაყალი აქსიომის სახით.

ვფიქრობთ, ნულოვანი საფეხური, იური ტინიანოვის გამოთქმა რომ ყოძპაროთ, მხოლოდ თვალთმაქცობს, თითქოს ის პირველადია პოეტური მეტყველების მიმართ. ამის გარკვეულ საფუძველს წარმოადგენს ის, რომ მხოლოდ საპირისპირო თვისებების მქონე ფენომენთან პოეტური მეტყველების შეპირისპირებისას ხდებოდა 'შესაძლებელი' ამ უკანასკნელის მექანიზმთა განმარტება. მაგრამ ადექვატურია თუ არა 'შეშუშავებული განმარტებები?' პოეტური მეტყველება ხომ უპირატესად არაცნობიერ კანონ'სომიერებებს ემყარება, ამიტომ ნულოვანი საფეხურის (რომელიც, მისი განსაზღვრის თანახმად, ლოგიკურად დანაწევრებული და ერთმნიშვნელოვანია) შეშუშებით მისი ახსნა იძლევა მხოლოდ ამ საფეხურის ენაზე თარგმნილი პოეტური მეტყველების არაადექვატურ სურათს.

ამასთან, აშკარაა ისიც, რომ პოეტური მეტყველების, როგორც ნულოვანი საფეხურის ტრანსფორმაციის გაგებაში გამოიწვია ის, რომ ლოგიკურს მიმდევრობა: ნულოვანი საფეხური → პოეტური მეტყველება გაა'ხრებულ იქნა ქრონოლოგიური მიმდევრობის სახით (ამაზე მეტყველებს თვით ტერმინები "ბაღახრა", "მეორადი მამოღელირებელი სისტემა", "ანლიმალა", "ვანმეორებადობის პრინციპის პრესკინობა სინტაგმატურ მიმდევრობაზე"). მაგრამ ის, რომ სასარგებლოა (მეცნიერული კვლევისას) პოეტური მეტყველების 'შეპირისპირება მეტყველების ნულოვან საფეხურთან, არ ნიშნავს პოეტური მეტყველების მეორადობას ამ საფეხურის მიმართ (ისტორიულად, ან ინდივიდუალური 'შემოქმედების პროცესში). ენობრივი ნიშნები - სიტყვები გამოიყენება ყოფით მეტყველებაშიც და პოეტურ მეტყველებაშიც, მაგრამ თითოეული მათგანი წარმოქმნის ავტონომიურ სფეროს, ისტორიულად კი სიტყვის პოლისემანტიკურობა წინ უძღოდა მის ერთმნიშვნელოვნებას, ხოლო სიმბოლური ფუნქცია - აღნიშვნის ფუნქციას. ეთნოლოგთა, ფსიქოლოგთა და ლინგვისტთა მიერ დაფიქსირებულია განვითარების დაბალ დონეზე მდგომი თანამედროვე ხალხების მეტყველების ის თვისება, რომ მასში ქარბად 'შეიმჩნევა სინთეზურობა, სიტყვის მრავალმნიშვნელოვნება. დადასტურებულია აგრეთვე არქაული აზროვნებისა და მეტყველების 'მეტაფორულობა', რომელიც წინ უძღოდა დანაწევრებულ მეტყველებასა და რაციონალურ აზროვნებას.

ხომ არ 'შეიძლება, რომ ამ 'შეხედულებებს არ იცნობდნენ ის მეცნიერები, რომელთა აზრით, პოეტური მეტყველება მეორადია ნულოვანი საფეხურის მიმართ? რამ გამოიწვია ობიექტური მეცნიერული მონაცემების ეს უცნაური უგულებელყოფა?

საქმე ისაა, რომ მეცნიერებმა და თეორიულმა სკოლებმა, რომლებმაც 'შემოიტანეს ნულოვანი საფეხურის ცნება, აქსიომატურობის მოთხოვნა გადაიტანეს თვით 'შესწავლის ობიექტზე - პოეტურ მეტყველებაზე. ე.ი. მიჩნეულ იქნა, რომ საკუთრივ პოეტური მეტყველება ემყარება ერთგვარ

აქსიომატურ საფუძველს. ამ გაგებით, ნულოვანი საფუძვრის ცნება მართლაც ინტუიციურად იქნა შექმნილი ლიტერატურათმცოდნეობაში და სათანადოდ არ განისაზღვრა მისი გამოყენების მიზანშეწონილება.

* * *

ჩემი რად გამოითქმის შეხედულება იმის შესახებ, რომ გაუქმებულია (მაგალითად, დიალოგურობის ბახტინისეული კონცეფციის ზეგაყვლით) ნიშნის ძველი სოსიურისეული ბინარული გაგება, ისევე, როგორც ორპოლუსიანი კონცეფციები ენა/მეტყველება და სინქრონია/დიაქრონია (7, გვ. 269). მაგრამ პოეტიკაში თანამედვერულად არაა გამოკვლეული ენისა და მეტყველების გამოხატულებები პოეტური ფორმებისა და ტროპების სფეროში. არადა, აშკარაა, რომ ენისა და მეტყველების პლანების რეალურად არსებული ოპოზიცია საშუალებას იძლევა, შემუშავდეს ტროპების ასლებური კლასიფიკაცია, სადაც გამოიკვეთება მათი განმასხვავებელი ნიშან-თვისებები იმისდა მიხედვით, თუ რომელ პლანს განეკუთვნება თითოეული მათგანი. საერთოდ, თუ არ ჩავთვლით იაკობსონის კონცეფციას, რომელშიც შეიმჩნევა ამგვარი თეორიის შექმნის ერთგვარი მცდელობა, ასეთი საკითხი პოეტიკაში არც კი წაპოჭრილა.

წინამდებარე სტატიაში არ ვაპირებთ ამ პრობლემის ამომწურავ დაშუშავებას, მივუთითებთ მხოლოდ მომავალ გამოკვლევაში გასათვალისწინებელ წიგნით არსებით საკითხზე.

პოეტიკაში საწყის, ამოსავალ აქსიომად ენისა და მეტყველების შეპირისპირებული ხასიათის აღიარება, უპირველეს ყოვლისა, განმარტავს იმ გარეშობებს, თუ რატომ ეთმობა უპირატესი ყურადღება მეტაფორის არსის გაშუქებას, მაშინ, როდესაც სხვა ტროპებს შეორენარისხოვანი ადგილი ეთმობა ხოლმე სპეციალურ გამოკვლევებში.

საქმე ისაა, რომ მეტაფორა, ჩვენი აზრით, წარმოადგენს ერთადერთ ტროპს, რომელიც განეკუთვნება ენის პლანს, ხოლო ყველა დანარჩენი ტროპი და ფორმა შეიძლება დაყაჯგუფოთ, როგორც მეტყველების პლანის სხვადასხვაგვარი გამოხატულებანი.

მეტაფორა ერთადერთი ტროპია, რომელიც უშეუბეს გარკვეულ თაყისუფლებას ნაგულისხმევი მეორე წევრის მიმართ - ეს უკანასკნელი სხვადასხვა აღმქმელი სუბიექტის მიერ სხვადასხვანაირად გაგება, ამიტომ ჭირს მეტაფორის სრული ექსპლიკაცია. ის არასოდეს ემთხვევა საკუთარ განმარტებას. ნაგულისხმევი სიტყვა ან წარმოდგენა სემანტიკური ბუნდოვანებით გამოირჩევა: „რაც უფრო დიფუზურია სიტყვის მნიშვნელობა, მით უფრო იოლია მისი მეტაფორიზება... აზრობრივი ნიუანსები წარმოიშობა მღვრიე სემანტიკურ გარემოში“ (1, გვ. 149).

მეტაფორა ერთადერთი ტროპია, რომელზეც ზემოქმედებს ენის პლანიდან მეტყველების პლანში გადაყვანა (ანუ პარადიგმიდან სინტაგმის წარმოქმნა).

ასეთი შექმნისგეგმაში მეტაფორა კარგავს თავის სპეციფიკას და შედარებად ოქცევია: „შეიძლება ითქვას, რომ, გარკვეული ვაგებით, ყველა მეტაფორა ელოფსურია ex definitione. რადგან მთლიანად ექსპლიციტურ მეტაფორას ჩვენ საერთოდ ვერ ვუწოდებდით მეტაფორას...“ (3, გვ. 149).

გარდა ამისა, ყფიქრობთ, გაცვეთილი, ტრადიციული მეტაფორები, რომელთა ნაგულსხმევი მეორე წევრები ერთმნიშვნელოვნად გათვება ენობრივი კოლექტივის მიერ, აღარ უნდა ჩათვალის საკუთრივ მეტაფორებად, რადგან ისინი აღიქმება სინტაგმების სახით და ამიტომ უკვე ენის პლანის კუთვნილებას კი აღარ წარმოადგენს, არამედ - მეტყველებისას. ამგვარად, ისინი ფორმალურად მეტაფორებია, მაგრამ რეალურად უკვე ასეთებს აღარ წარმოადგენენ.

საინტერესოა, რომ მ ჯგუფის „ზოგად რიტორიკაში“. სადაც ტროპების წარმოქმნის საფუძვლად მინიშნულია ნულოვანი საფეხურის სხვადასხვაგვარი ტრანსფორმაციები, შენიშნულია მეტაფორების შემოსენებული თვისებები: „ქეშმარიტი მეტაფორა ყოყელთვის გულისხმობს, რომ ტექსტში არ მონაწილეობს საწყისი ცნება - ამგვარია მეტაფორა in absentia (5. გვ. 204). რაც შეეხება მეტაფორას in praesentia, „თუ არ გაკითვალისწინებთ „როგორც“ კავშირის არარსებობას, შეიძლება მივიჩნიოთ, რომ ჩვენ წინაშე უბრალოდ, შედარება“ (იქვე). ეს თვისება, როგორც ჩანს, ჯეროვნად არაა შეფასებული ნაშრომის ავტორების მიერ, რადგან მეტაფორა „ზოგად რიტორიკაში“ არ უბირისპირდება (ამ თვისების მიხედვით) სხვა ტროპებს (გაკვრით შეენიშნავთ, რომ ბელგიელი მეცნიერების მიერ მეტაფორის წარმოქმნის მექანიზმის განმარტება სხვა, გაცილებით უფრო არსებითი ხარვეზებითაც გამოირჩევა). ამდენად, „ზოგად რიტორიკაში“ მეტაფორის in praesentia კვლავ „მეტაფორა“ ეწოდება და გაანალიზებული არაა მეტაფორისა და შედარების განმასხვავებელი კრიტერიუმები.

ვაფიქსირებთ რა იმას, რომ მეტაფორა განეკუთვნება ენის (პარადიგმატიკის) პლანს, მოკლედ დაგახანსიათებთ სხვა ტროპებს.

მ.ლ. გასპაროვის მითითებით, ტროპების მთელი სიმრავლე დაიყვანება მათ ექვს სახეობაზე, რომელთაც დაემატა მეშვიდე ტროპი: „ტრადიციული რიტორიკული თეორიის ექვს ტროპს გარდა, პოეტურმა პრაქტიკამ გამოიგონა მეშვიდე მათგანი, რომელსაც აქამდე არ მიუღია სახელწოდება და განისაზღვრა. ექვსი ტრადიციული ტროპი იყო: მეტაფორა - მნიშვნელობის გადატანა მსგავსების მიხედვით, მეტონიშია - მნიშვნელობის გადატანა მომიჯნავეობის მიხედვით, სინეკდოქე - მნიშვნელობის გადატანა რაოდენობის მიხედვით, პიპერბოლა - მნიშვნელობის გაძლიერება, და, ბოლოს, ემფაზა - მნიშვნელობის შევიწროება („ეს ადამიანი ნამდვილი ადამიანი იყო; აქ გმობობა უნდა გამოიჩინოს, ის კი მხოლოდ ადამიანია“). ამ ნუსხას ახალია დრომ დაუმატა, თუ შეიძლება ასე ითქვას, ანტიემფაზა - მნიშვნელობის გაფართოება, მისი გაბუნდოვანება“ (4, გვ. 190).

განეკუთვნება თუ არა ყველა ეს ტროპი მეტყველების პლანს? ამ პლანისთვის დაძახასიათებელი რა თვისებებით გამოირჩევიან ისინი?

მეტონიმია, როგორც ანალიტიკურ პრინციპზე დაშვარებული ტროპი, სინტაგმატური ხასიათისაა. ის იმავე ნიშნით განეკუთვნება მეტყველების პლანს, როგორც, მაგალითად, გაცვეთილი მეტაფორა. მეტონიმის მეორე წევრი აუცილებლად ცხადად, ერთმნიშვნელოვნადაა განსაზღვრული ენობრივი კოლექტივის ცნობიერებაში და მასში სინტაგმატურად ნაწევრდება წარმოდგენა ობიექტის შესახებ. ანალიტიკური (სინტაგმატური) ტროპების რიცხვს განეკუთვნება სინეკდოქეც ანუ ობიექტის დეტალის მისედვით ამ ობიექტის აღნიშვნა. ამგვარივეა ჰიპერბოლაც, რომელიც ეყარება განსხვავებული საგნების ან მოვლენების ურთიერთშეჯერებას, და, აგრეთვე, ემფაზა, რომელიც ანალოგიური ხერხით ათვება. ზემონა-მოთვლილი ტროპები მეტყველებაში იხმარება მყარი სინტაგმების სახით. შესაბამისად, ისინი შეიძლება განვსაზღვროთ, როგორც ფიგურები, ხოლო მეტაფორა - როგორც საკუთრივ ტროპი.

რითია განპირობებული მეტაფორისა და დანარჩენი ტროპების (ფიგურების) მიკუთვნება, შესაბამისად, ენისა და მეტყველების პლანებისადმი? ალბათ, იმით, რომ მეტაფორა იმთავითვე წარმოადგენდა არა ტროპს, არამედ - არქაული აზროვნების დაძახასიათებელ თვისებას მაშინ, როდესაც მეტყველება ჯერ კიდევ ნაპოუქალიბებელი იყო. ამით აიხსნება, რომ მის მეორე წევრს აუცილებლად უნდა ახლდეს ის სემანტიკური ბუნდოვანება, არაერთმნიშვნელოვნება, რომელიც ადაპიანის აზროვნების, „მეტაფორული“ აზროვნების დაძახასიათებელი ნიშანი გახლდათ ისტორიის გარიჟრაჟზე.

დამოწმებულ ლიტერატურა:

1. Арутюнова Н.Д., Языковая метафора (синтаксис и лексика) - კრებ.: Лингвистика и поэтика. М., 1979.
2. Барт Р., Нулевая степень письма - კრებ.: "Семиотика", М., 1983.
3. Вежбицкая А., Сравнение - градация - метафора - კრებ.: "Теория метафоры", М., 1990.
4. Гаспаров М.Л., Историческая поэтика и сравнительное стиховедение - კრებ.: "Историческая поэтика", М., 1980.
5. Дюбуа Ж. и др., "Общая риторика", М., 1998.
6. Клайн М., Математика. Утрата определенности. М., 1984.
7. Лахман Р., Демонтаж красноречия. С-Пб., 2001.
8. Лотман Ю.М., Структура художественного текста. М., 1970.

